

Вход 20.10.2024

Тропарь глас 8:

С высоты снизшел еси, Благоутробне, / погребение приял еси тридневное, / да нас свободиши страстей, // Животé и воскресение наше. Господи, слава Тебе.

Тропарь глас 4:

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением высокая, / нищетою богатая, / отче священноначальниче Николае, / моли Христа Бога, // спастися душам нашим.

Тропарь глас 5:

Удобрение Христовых страсотерпец, / и очи Христовы Церкви, / очи просветите душ наших, / Сергие многострадальне и Вакше преславне: / молитесь ко Господу, / яко да убежим тьмы греховныя, / и света явимся общницы невечерняго, // молитвами вашими, святии.

Кондак, глас 8:

Воскрес из гроба, умершия воздвигл еси, / и Адама воскресил еси, / и Ева ликует во Твоем воскресении, / и мирстии концы торжествуют // еже из мертвых востанием Твоим, Многомилостиве.

Кондак, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, // яко великий таинник Божия благодати.

Слава

Кондак, глас 2:

Разум на враги мужески вооруживше, / всю тех леств разрушите, / и победу свыше приимше, мученицы всехвальнии, / единомысленно вопиюще: // добро и красно, еже быти с Богом.

и ныне

Кондак, глас 6:

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти: / ускори на молитву и потщися на умоление, / предстательствующи присно, Богородице, чтущих Тя.

Прокимен, глас 8: Помолитесь и воздадите / Господеви Богу нашему.

Ин Прокимен, глас 4: Святым, иже суть на земли Его, удивил Господь вся хотения Своя в них.

Причастен: Хвалите Господа с небес, хвалите Его в вышних. Аллилуиа, аллилуиа, аллилуиа.

Ин Причастен: В память вечную будет праведник, от слуха зла не убоится.